



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Ad egressum domus. Exercit. 4

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

MANVALE,

Oblatio.

Offeremus Domino, purissimam illam Redemptoris nostri Iesu Christi animam, ipsis Angelicis spiritibus splendidior, in qua nunquam locum habuit neque habere potuit vlla peccati labe: nec non illam sanctissimæ matris eius munditiem, quæ purior & nitidior omni pura creatura extitit.

Ad egressum domus,

Exercitium. IV.

Psalm. 24. Vias tuas Domine demonstra mihi, & semitas tuas edoce me.

Psal. 118. Vtinam dirigantur via mee ad custodiendas iustificationes tuas.

Ibid. Omnem viam iniquitatis amoue à me.

Ibid. Auerte oculos meos ne videant vanitatem.

Consideratio.

Consideramus quomodo egrediens Dei filius è sempiterno habitaculo suo, id est, è sinu æterni patris, idque sine sui ab illo separatione nostræ utilitatis gratia venit in mundum & familiariter conuersatus fuit cum hominibus.

EXERCITIO. SPIRIT.

minibus. Quam etiam immaculat a& sancta fuerit eius conuersatio qui nullo se scelere, vlllo vnquam tempore contaminauit.

Gratiarum actio.

GRatias reddemus Domino, qui cū plurimi sint claudi, nonnulli paralytici alij in carceribus ferro & vinculis constricti, nobis contulit sanitatem & libertatem, quo negotijs nostris intendere, valeamus.

Confusio.

Verecundabimur, quod sæpe non modò nullius emolumentis causa foras egressi fuimus, sed etiam cum graui animæ nostræ detrimento, quādo cum in finem exiimus vt pedes nostros in canosis peccatorum semitis inquinaremus.

Petitio.

ROgabimus Dominum, vt nos præseruet ne offendamus in vijs huius vitæ innumeris plenæ periculis: neue abducamur occasione cuiuscunq; rei, quam vel viderimus, vel audierimus à semitis mandatorum eius.

Oblatio.

MANVALE.

Oblatio.

Offeremus Domino singulos passus quos facturi sumus dirigendo eos ad solam illius gloriam & speciatim offeremus ei negotium illud ad quod conficiendum pergimus, ut ipse illud ad supremam suam gloriam referat.

Quando per plateas incedimus.

Exercitium 5.

Cant. 3. Per vicos & plateas quæram quem diligit anima mea.

Gen. 17. Ambula coram me, & esto perfectus.

Psal. 118. Beati immaculati in via qui ambulant in lege Domini.

Prou. 3. Via eius via pulchra, & omnes semite eius pacificæ.

Consideratio.

Considerabimus. Quomodo Christus nostre salutis assertor, per plateas ciuitatis Hierosolymitanæ ambulauerit: quando Iudei eum catenis vinctum de iudice ad iudicem ducebant, Quomodo etiam postea inde egressus fuerit ponderosam crucis trabem humeris